

YSGRIFENNYDD CABINET YN AGOR YSGOL NEWYDD

Mae ysgol gynradd newydd, sef Ysgol Gynradd Wirfoddol a Reolir yr Eglwys yng Nghymru Dinbych-y-pysgod, wedi cael ei hagor yn swyddogol gan Ysgrifennydd y Cabinet dros Addysg, Kirsty Williams AC.

Agorodd yr ysgol cyfrwng Saesneg ei drysau i ddisgyblion ym mis Medi, a hynny ar y cyd â'r ysgol cyfrwng Cymraeg newydd a leolir gerllaw, sef Ysgol Hafan y Môr.

Mae'r ddwy ysgol yn cynrychioli buddsoddiad gwerth £8.4 miliwn mewn addysg yn y dref, ac fe'u hadeiladwyd yn rhan o Raglen Ysgolion yr 21ain Ganrif – cynllun cydweithredol rhwng Cyngor Sir Penfro a Llywodraeth Cymru sy'n rhannu'r cyllid.

Maent yn cymryd lle Ysgol Wirfoddol a Reolir ac Ysgol Iau Dinbych-y-pysgod, ac yn darparu ar gyfer plant rhwng tair ac 11 mlwydd oed.

Mae gan Ysgol yr Eglwys yng Nghymru Dinbych-y-pysgod 54 o ddisgyblion oed Meithrin ar ei chofrestr, a 252 o ddisgyblion rhwng Blwyddyn Derbyn a Blwyddyn 6.

Adeiladwyd yr ysgol gan gwmni adeiladu o Orllewin Cymru, sef Andrew Scott, ac fe'i cynlluniwyd yn fewnol gan dîm pensaernïaeth y Cyngor.

Croesawyd Mrs Williams i'r ysgol gan Gadeirydd y Cyngor, Tony Brinsden, a'r Pennaeth, John Palmer.

Ar ôl dadorchuddio plac, cafodd ei thywys o gwmpas yr ystafelloedd dosbarth, gan gwrdd â disgyblion a staff addysgu.

Dywedodd Mrs Williams wrth yr ymwelwyr fod Rhaglen Ysgolion yr 21ain Ganrif yn cynrychioli'r buddsoddiad mwyaf mewn ysgolion a chyd-weithwyr ers yr 1960au.